



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

Art. III. Quo pacto Angeli supernaturalem beatitudinem sibi promeruerint?

[urn:nbn:de:hbz:466:1-77146](https://nbn-resolving.de/urn:nbn:de:hbz:466:1-77146)

motivum ad suam gratiam creaturæ conferendam, alioquin gratia non esset gratia, sed merces & retributio; ita nec perfectius donum naturale est Deo motivum ad majorem gratiam eidem natura conferendam: Sed in alio sensu, nimis ita ut Deus ex mera sua libertate, & sapientia, voluerit majoribus gratia donis ornare, quos perfectioribus naturæ dotibus decoraverat.

ARTICULUS III.

Quo pacto Angelii supernaturalem beatitudinem sibi promeruerint?

VT certum & indubitatum supponimus, Angelos qui in accepta justitia & sanctitate perseverarunt, beatitudinem supernaturalem sibi promeruisse: cum enim beatitudo non mere gratitudo, sed propter merita conferatur hominibus, etiam debuit titulo meriti & non puræ & gratuitæ donationis tribui Angelis, praesertim cum nobilis sit aliquid habere per meritum, quam sine merito, ut docet D. Thomas 30. p. q. 9 art. 3. Unde Augustinus de corruptione & gratia cap. 11. Angelos sancti, cadentibus alii per liberum arbitrium, per idem liberum arbitrium steterunt ipsi, & hujus mansionis debitam mercedem recipere meruerunt, tantam scilicet beatitudinem plenitudinem, quam eis certissimum sit, semper se in illa esse manentes. Ideo docent alij SS. Patres, praesertim qui post Augustinum floruerunt, quorum in eo consensus est, Angelos eo ipso quod in fide officioq; manserunt, deficientibus alijs, & principatum suum (ut Judas Apostolus loquitur) non deseruerunt, beatum illumq; perennemq; felicitatis statum meritos, adeptosq; esse. Unde solum difficultas est & controversia inter Theologos, de modo quo illi beatitudinem illam promeriti sint. Quidam enim existimant illam meruisse per opera beatitudinem subsequentia, seu obsequia prævisa in hominum ministerium, ex obedientia ab Angelis exhibenda. Nam licet soli Angeli ultimi ordinis tertiae Hierarchie, in hominum custodiæ & ministerium destinentur, omnes tamen, etiam supremæ, hominum saluti cooperantur, instruendo & illuminando inferiores de rebus ad hominum salutem expectantibus juxta illud Apostoli ad Hebreos 1. Omnes sunt administratori spiritus, in ministerium misi, propter eos qui hereditatem capiunt salutis. Ita docet Magister in 2. dist. 5. in fine, ubi ait, ea lege sanctos Angelos felicitate sempiterna donatos esse, quod tale premium per obsequia nobis exhibita ex Dei obedientia & reverentia mererentur. Et ita premium præcessit meritus. Quod commentum, ut bellè ait Petavius, Origensis lucernam olet, tametsi patronos habeat aliquos ex SS. Patribus, & antiquis Theologis. Alij docent, Angelos beatitudinem sibi promeruisse per actus naturæ tantum præcedentes beatitudinem. Ita S. Thomas quodl. 9. qu. 4. art. 3. & in 2. dist. 5. qu. 2. art. 2. S. Bonaventura ibidem art. 3. q. 2. ubi ait hanc fuisse suo tempore communem, Aegidius, Richardus, & alij. Tertia demum sententia afferit, Angelos beatitudinem meruisse actibus non naturæ tantum, verum etiam duratione beatitudinem præcedentibus. Hanc tenet S. Thomas hic art. 4. & communiter Theologi.

§. 1.

Vera sententia tripli conclusione statuitur.

Dico primò, Angelos sanctos non meritis beatitudine per opera illam subsequentia. Probatur primò ratione quam insinuat. Thomas hic art. 4. & fuisus expendit quod. 4. de verit. 4. his verbis: Meritum est causa premi, non quidem per modum finalis causa, sic enim magis premium est causa meriti, sed magis secundum relationem ad causam efficientem, in quantum meritus facit premio dignum, & sic ad premium disponit: autem quod est causa per modum efficientis, nullatenus potest esse posterius tempore, eo cuius est causa, unde non potest esse quod aliquis meretur quod jam habet. Unde sic arguo: Meritum se habet ad premium, sicut modum ad finem, via ad terminum, dispositio ad formam, & causa efficientia effectus. Sed implicat modum subsequi finem, & viam ad posteriorem termino, dispositionem formam, & causam efficientem effectu. Ergo impossibile est meritum esse posterius termino, & per consequens Angelos sanctos mereri beatitudinem per opera illam subsequentia. Et quamvis id non pugnat et inconveniens videtur inducere in Angelis novum modum merendi gloriam ab eo quem Deus servat cum hominibus, qui ex parte actus fidei, spei, & charitatis, duratione præcedentes præmium beatitudinis.

Confirmatur: Meritum connaturaliter possit exerceri à persona, iuxta conditionem ejus. Sed persona Angelica est hū natura peccabilis. Ergo connaturaliter postulat ab ea exercitum libertate ad peccandum; unde cum Angelis in statu beatitudinis careat hac libertate, meritum connaturaliter postulat exercitum ab Angelo ut viatore, non vero ut comprehensore, praesertim respectu beatitudinis, qua est ultimus terminus & fructus præcedentium laborum.

Probatur secundò conclusio: Demones operibus malis continuò patratis, non augent ipsa peccatum essentiale, sed tantum accidentale. Ergo nec Angelis operibus bonis, que in statu beatitudinis elicunt, augent sibi premium essentiale. Ratio utriusq; est, quia utrisque deinde conditio ad merendum vel demerendum premium vel peccatum essentiale requisita, nimirum status via.

Dico secundò, Angelos sanctos non meritis beatitudinem, per actus naturæ tantum & causalitate priores.

Probatur: Angelis meruerunt beatitudinem per actus supernaturales, regulatos cognitione obscurâ fidei, quā Deum ut Authorē supernaturale cognoverunt: Sed hujusmodi actus non possunt solâ prioritate naturæ beatitudinē supernaturalem præcedere. Ergo Angelis sancti non meruerunt beatitudinem, per actus naturæ tantum & causalitate priores. Major pater, Minor probatur. Quod naturæ tantum beatitudinē supernaturalem præcedit, simul cù illa existit, cum prioritas naturæ, non sit prioritas durationis, sed causalitas: Atqui cognitione obscurâ fidei neque simul existere cù visione beatificâ, in qua beatitudo supernaturalis formaliter consistit, utrum Te^{re} statu de virtutib^z Theologicis ostendemus. Ergo sibi cognitione obscura fidei, & per consequens actus supernaturales per ipsam regulati, non possunt

DE GRATIA ET GLORIA ANGELORUM.

42

sola prioritate natura beatitudinem supernaturalem præcedere.

Dico tertio, Angeli condignis actibus, non solum natura, sed duratione etiam præcedentibus, supernaturem beatitudinem meruerunt.

Probatur: Hic modus merendi beatitudinem omnium connaturalissimus, cum meritum, ut supra dicebamus, habeat ad præmium, sicut na ad terminum, dispositio ad formam, & causœficiens effectum: Ergo ille debet attribui Angelo, respondeat beatitudinis supernaturalis.

§. II.

Solvuntur objectiones.

B

Objecies primò contra primam conclusio nem: Primus actus quem Angeli elicerunt, sicut visio beatifica: Ergo illam meruerunt per actus eam præcedentes, sed solum per actus subsequentes, & eam posteriores. Consequentia patet, Antecedens probatur ex Augustino libro 4 de Genesi ad litteram cap. 22. & 31. ubi docet Angelos prius habuisse cognitionem matutinam in verbo, quam vespertinam creaturarum in proprio genere: Sed cognitione matutina est visio Dei: Ergo primus actus quem Angeli elicierunt, sicut visio beatifica.

Respondeo negando Antecedens, ad cuius probationem dicendum, quod cum Augustinus docet Angelos prius vidisse res in verbo, quam in proprio genere, ly prius non debet intelligi de prioritate simpliciter, sed de prioritate in ingressu beatitudinis, quando enim Angeli sancti ad beatitudinem supernaturalem, & claram Dei visionem per venerunt, prius habuerunt cognitionem matutinam quam vespertinam, & prius viduerunt res in verbo, quam in proprio genere.

Objecies secundò: Magnum præmium, qualis gloria Angelorum, magna requirit merita: Se non ponnerunt Angeli in tam brevi spatio via, habere merita tanto præmio commensurata: Ergo per opera beatitudinem subsequentia, ipsam meruerunt.

Respondeo concessa Majori, negando Minorem: cum enim Angeli gratiam & charitatem maximè intensam, primo instanti creationis receperint, subindeque actualem habituali proportionatam; & secundum totum posse gratia operentur, actus intensissimos & ferventissimos charitatis, durante statu viae elicerunt, quibus plus gratiae & gloriae meruerunt, quam homo aliquacur multitudine actuum, quos tota vita tempore elicit.

Objecies tertio contra secundam conclusio nem: Non repugnat meritum natura tantum & causalitate præcedere præmium: Ergo Angeli facti per actus tantum natura priores, beatitudinem metiri potuerunt. Consequentia patet, Antecedens probatur. In nobis simul est contritus ut dispositio ad gratiam, & gratia ut primum contritionis. Item simul est actus quo meremur augmentum gratiae & charitatis, & ipsum augmentum: Ergo non repugnat meritum natura tantum & causalitate præcedere præmium.

Confirmatur: Contritus eodem instanti quo informatur gratia, de condigno meretur gloria: quidigitur repugnat, ut eodem instanti simul conferatur gloria?

Ad objectionem respondeo primò, hoc argumentum probare quidem quod absurde, & de potentia Dei extraordinaria, non repugnet

Tom. II.

A quod Angeli per actus solum natura priores, beatitudinem meruerint, quod non negamus, quia nimis actus dilectionis Dei ut Authoris supernaturalis, quo Angeli beatitudinem meruerunt, potuit regulari alia cognitione quam fidei, nimis cognitione evidenti abstractive Dei, sicut in Christo in quo fides non erat, actus meritorii per scientiam infusam regulabuntur: Non ostenderemus tamen quod juxta legem a Deo pro Angelis & hominibus de facto statutam de beatitudine promerenda per actus a fide regulatos, hoc sit possibile, quia, ut supra dicebamus, hujusmodi actus cum clara Dei visione sunt incompensibiles.

Respondeo secundò, concedo Antecedente, negando Consequentiam: non enim cum quilibet præmio pugnat simul esse meritum, sed cum præmio duntaxat ultimæ beatitudinis, quod extrahit creaturam a statu viae ad merendum requisito, nec non pugnat cum merito per fidem infusam regulato, ut supra ostensum est. Unde

Ad confirmationem, nego etiam consequentiam, nam actus fidei regulans contritionem, non pugnat cum merito & jure ad gloriam, bene tamen cum visione beatifica, & gloriæ possessione.

§. III.

Corollarium præcedentis doctrine.

E X diictis inferes, Angelos sanctos non diu post creationem suam, claram Dei visionem fuisse conlectos, non expectata incarnatione Verbi, aut Christi glorificatione. Ita communiter docent Theologi, licet enim differant in ali signandis pluribus vel paucioribus instantibus viae Angelicæ, ut patebit ex dicendis articulo sequenti, sentiunt tamen omnes, illam brevem fuisse, eaque expletam, bonos statim accepisse beatitudinis essentialis præmium, malos vero aeternæ damnationis supplicium.

Ratio etiam id suadet: Si enim visio beatifica non sit data bonis Angelis proper custodia hominum, sed propter actus meritorios quos durante statu viae elicerunt, ut in prima conclusione ostensum est; nulla est ratio cur Deus voluerit differre eorum præmium, usque ad Christi incarnationem vel resurrectionem, & quod illis plus dilata fuerit gloria, quidam malis Angelis pena, qui statim post peccatum, de cælo dejecti sunt, & in infernum detrusi. Unde Daniel. 7. & Job 12. longè ante incarnationem Verbi, dicuntur Angelii ad stare vel assistere ante Deum, quod id est ac perpetuo videre Deum, & ab ejus visione nunquam recedere, ut docent Gregorius libro 2. Moralium cap. 2. & libro 17. cap. 9. Bernardus serm. 5. in Dedicacione Ecclesiæ, & alii Patres.

Dices primò, Petri 1. 1. dicitur: *In quem desiderant Angeli proficere*: Sed desiderium est rei absentis & nondum obtentæ: Ergo Angeli sancti nondum vident Deum.

Respondeo, verba illa Apostoli intelligenda esse de desiderio excludente fastidium, non autem visionem ipsam, ut interpretatur D. Gregorius libro 18. Moral. cap. 2. his verbis: *Quia de Deo per primum Ecclesia predicatorum dicitur, in quem desiderant Angeli proficere: sunt nonnulli qui nequam Deum videre vel Angelos sufficiuntur; & tamen dictum per Veritatis sententiam sumus: Angeli eorum in calis semper vident faciem Patris mei qui in calis est. Numquid ergo aliud veritas, aliud predicator insonat veritatis? Sed si sententia ultraque confertur, quia sibi*

Ggg 3 nequa-

DISPUTATIO DUODECIMA

nequaquam discordet, agnoscitur Deum quippe Angeli & vident, & videre desiderant, & sicut intueri & inveniuntur. Si enim sic videre desiderant, ut effectus sui desiderii minimè perfruantur, desiderium sine fructu anxietatem habet, & anxietas pœnam. Beati verò Angeli ab omni pœna anxietatis longè sunt, quia & Psalmista ait: Satabor dum manifestabitur gloria tua. Considerandum nobis est, quoniam satietatem soler fastidium subsequi. Ut ergo rectè sibi utraque convenienter, dicat Veritas: Quia semper vident. Dicat Predicator eugenius: Quia semper videre desiderant. Ne enim sit in desiderio anxietas, desiderantes satiantur: ne autem sit in satietate fastidium, satiati desiderant. Et desiderant igitur sine labore, quia desiderium satietas comitur; & satiantur sine fastidio, quia ipsa satietas ex desiderio semper acceditur. Sic quoque & nos erimus, quando ad ipsum fontem vita venerimus. Erit nobis delectabiliter impressa finis simul atque satietas. Sed longe aberit ab ista satietate fastidium; quia & sicut satisficiemus.

Eandem veritatem breviter expressit Petrus Damiani, in hymno de gloria Paradisi, ex dictis sancti Augustini collecto, his versibus:

Vno pane virunt cives utriusque patrie:
Avidi & semper pleni, quod habent desiderant.
Non satietas fastidit, neque famas cruciat.
Inhabitantes semper edunt, & edentes inhabitant.

Dices secundò: Gregorius Nazianzen. orat. 42. affirmat, diem resurrectionis Christi, salutem mundo fuisse, tam visibili, quam invisibili. Ubi Nicetas ejus Interpres, per mundum invisibilem, Angelos sanctos intelligit: Atqui salus illa, respectu Angelorum, non potest alia intelligi, quam salus perfecta & consummata per visionem Dei, & fruitionem beatitudinem: Ergo Angeli non sunt adepti claram Dei visionem, usque ad Christi resurrectionem, & glorificationem.

Respondeo Nazianzenum, vel per mundum invisibilem intelligere animas Sanctorum Patrum, quæ in sinu Abrahæ derinebantur: vel solùm voluisse quod Angeli tunc magnam gloriam accidentalem receperint; unde observant aliqui, Angelos ex eo tempore apparuisse in corporibus lucidis & glorioſis, non ante. Vel demum, ut interpretatur Nicetas, Nazianzenus verbis illis solùm significare voluit, quod tunc ruina Angelorum resarciri coepissent, licet Angeli ipsi non tunc primum gloriam & beatitudinem essentialēm receperint.

ARTICULUS IV.

Quot morulis sive instantibus Angelorum via completa fuerit?

§. I.

Quibusdam premisis referuntur sententia.

41. **S**uppono primò, numerum instantium, ex quibus tempus angelicum constituitur, desumi ex numero vel diversarum quoad substantiam operationum liberarum, inter se ordinem successionis habentium, ita ut una sit duratione posterior altera; vel saltē diversorum modorum intrinsecè & successivè eidem substantialiter operationi angelicæ convenientium. Ita colligitur ex S. Thoma h̄c art. 5. ad 2. sic dicente: Angelus est supra tempus rerum corporalium: unde instantia diversa in his quæ ad Angelos pertinent, non accipiuntur nisi secundum successionem in ipsorum atti-

A bus. Quibus verbis S. Doctor suppositionem istam & docuit & probavit. Ejus veritas etiam patet ex dictis disputatione sexta, in qua egimus de tempore Angelorum, quo menlurant illorum operationes libera.

Suppono secundò, quod quando loquimur h̄c de instantibus via Angelorum, non solū comprehendimus instantia intrinsecæ viae, sed etiam instantia extrinsecæ terminativum, quæ esse instantia damnationis in malis, & glorificationis in bonis. Unde quando inquiritur, quot instantibus Angelorum via completa fuerit? idem est ac si quereretur, quot instantia fluxerint, à creatione Angelorum, usque ad glorificationem bonorum, & damnationem malorum inclusivè. His premissis.

Circa difficultatem propositam triplex versatur sententia. Prima est Cajetani & Nazari quæst. sequentiā art. 6. docentum duo tantum instantia pro via tam malorum quam bonorum Angelorum esse constituenda: ita ut primum instantia assignandum creationi Angelorum omnium, eorumque merito non plenè libero, id est actu charitatis, necessario quoad specificacionem, & libero quoad exercitum, quem ut articulo præcedenti insinuavimus) omnes Angeli tam mali quam boni in primo creationis instanti elicuerunt: secundum autem assignandum est merito plenè libero bonorum Angelorum, & peccato malorum; in cuius instantis termino, boni assecuti sunt præmium, & mali supplicium. Unde dicunt quod primum instantia fuit simpliciter via, & nullo modo terminus; secundum vero, tam respectu malorum, quam bonorum, fuit via simul & terminus.

Secunda opinio ponit tria instantia pro malis Angelis, & duo tantum pro nobis. Ita Banner, Joannes a S. Thoma, Marcus à Serra, & plures alii ex nostris Thomistis, qui dicunt quod Angelii boni perseverantes in actu dilectionis quem eliciere in primo instanti creationis, unicum tantum instantia fecerunt, post quod statim glorificati sunt; mali verò, eliciendo actu dictionis ab eo quem elicerant in primo instanti creationis, duo instantia sibi fecerunt, post quod damnati sunt: unde comprehendendo instantia glorificationis bonorum & damnationis malorum, illorum via duo tantum instantia, istorum vero tria complectentur.

Tertius dicendi modus asserit viam tam bonorum quam malorum Angelorum triplici instanti fuisse completam, seu tria fluxisse instantia à creatione Angelorum usque ad glorificationem bonorum, & damnationem malorum inclusivè. Ita Capreolus, Salmanticensis, & plures, etiam ex extraneis.

§. II.

Hæc sententia ut verior & probabilius eligatur.

Dico primò, viam malorum Angelorum triplici instanti fuisse completam. Probatur contra Cajetanum & Nazarium: 44 Tot ponenda sunt instantia pro via dæmonum, quod fuerunt operationes realiter inter se distinctæ, sibi que succedentes, quibus eorum via fuit ultimò terminata: Atqui tres fuerunt huiusmodi operationes. Ergo & tria instantia. Major pertinet nam, ut ostendimus in prima secessione, instantia temporis discreci, de quibus hic